

ქ. თბილისი

____ ნოემბერი, 2021 წელი

შემსყიდველი: ს.ს.ი.პ. „საქართველოს ეროვნული ბანკი“, აღმასრულებელი დირექტორის ვახტანგ ბურკიაშვილის სახით;

მისამართი: თბილისი, 0114, სანაპიროს ქ. 2;

საიდენტიფიკაციო კოდი: 203 824 148.

მიმწოდებელი: შპს „კოკენი“, დირექტორის გიორგი ლოლობერიძის სახით;

მისამართი: ქ. თბილისი, შარტავას ქ. 35/37

საკონტაქტო ინფორმაცია: ტელ: 0322386589 / 599510338, ელ. ფოსტა: ltd.kokeni@gmail.com

საიდენტიფიკაციო კოდი: 206052028

საბანკო რეკვიზიტები: სს „საქართველოს ბანკი“, BAGAGE22, GE62BG0000000123412600

ერთის მხრივ შემსყიდველი და მეორეს მხრივ, მიმწოდებელი „სახელმწიფო შესყიდვების შესახებ“ კანონის და მიმწოდებლის სატენდერო წინადადების საფუძველზე, ელექტრონული ტენდერის (სატენდერო განცხადება NAT210019742) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

1.1. წინამდებარე ხელშეკრულების საგანს წარმოადგენს დოკუმენტაციის სარეგისტრაციო ჟურნალების შესყიდვა (შემდგომში „საქონელი“) ხელშეკრულების პირობების და დანართი N1-ის შესაბამისად (CPV კოდი – 22800000).

1.2. დანართი N1 წარმოადგენს წინამდებარე ხელშეკრულების განუყოფელ ნაწილს.

1.3. ელექტრონული ტენდერის (NAT210019742) სატენდერო დოკუმენტაცია და ამ ტენდერზე წარმოდგენილი მიმწოდებლის სატენდერო წინადადება, რომლებიც შესაძლოა არ იყოს ხელმოწერილი მხარეთა მიერ და დანართის სახით არ დაერთოს წინამდებარე ხელშეკრულებას, ასევე წარმოადგენენ წინამდებარე ხელშეკრულების განუყოფელ ნაწილს.

2. ხელშეკრულების შესრულების კონტროლი

2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

2.2. ხელშეკრულების 2.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებენ სეზონის შესყიდვების და ლოჯისტიკის დეპარტამენტის უფროსი და უსაფრთხოების დეპარტამენტის უფროსი ან/და მათ მიერ უფლებამოსილი პირები.

2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

3. საქონლის მიღება-ჩაბარების წესი

- 3.1. მიმწოდებელმა საქონლის შემსყიდველისათვის მიწოდება უნდა განახორციელოს ერთიანად ან ეტაპობრივად, ხელშეკრულების გაფორმებიდან არაუგვიანეს 15 (თხუთმეტი) სამუშაო დღისა, შემდეგ მისამართებზე: თბილისი, სანაპიროს ქ. N2;
- 3.2. საქონელი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.
- 3.3. საქონლის მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 3.4. მიწოდებული საქონლის საბოლოო შემოწმების ადგილია ქ. თბილისი, სანაპიროს ქ. N2.
- 3.5. შემსყიდველი ვალდებულია დროულად აცნობოზოს მიმწოდებელს საბოლოო შემოწმების შედეგები დაწუნებული საქონლის და წუნდების მიზეზის მითითებით.
- 3.6. შემსყიდველის მხრიდან 3.2. პუნქტში აღნიშნული მიღება-ჩაბარების აქტის ხელმომწერი პირია სებ-ის შესყიდვების და ლოჯისტიკის დეპარტამენტის უფროსი.

4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული საქონლის საერთო ღირებულება შეადგენს 1 110.00 (ერთი ათას ას ათი) ლარს („ხელშეკრულების ფასი“), წინამდებარე ხელშეკრულების დანართი N1-ის შესაბამისად.
- 4.2. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 4.3. მიწოდებული საქონლის ღირებულების გადახდა ხორციელდება უნაღდო ანგარიშსწორების წესით.
- 4.4. ანგარიშსწორება ხორციელდება წინამდებარე ხელშეკრულების 3.2 ქვეპუნქტის შესაბამისად საქონლის მიღებიდან და მიმწოდებელის მიერ სათანადო დოკუმენტაციის (ანგარიში, საგადასახადო ა/ფაქტურა, ინვოისი) წარმოდგენიდან (იმისდამიხედვით რომელი უფრო გვიან მოხდება) არაუმეტეს 10 (ათი) სამუშაო დღის განმავლობაში.

5. მხარეთა უფლება-მოვალეობები

- 5.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას მიწოდებული შესყიდვის ობიექტი.
- 5.2. შემსყიდველი ვალდებულია გადაუხადოს მიმწოდებელს ფაქტიურად მიწოდებული საქონლის ღირებულება ხელშეკრულებით გათვალისწინებული პირობების შესაბამისად.
- 5.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს შემსყიდველს ხელშეკრულებით გათვალისწინებული შესყიდვის ობიექტი.
- 5.4. მიმწოდებელი ვალდებულია საქონლის შექმნასთან, შიდა დიზაინთან/დახაზვასთან და ა.შ. დაკავშირებული ყველა დეტალი შეათანხმოს შემსყიდველთან.
- 5.5. მიმწოდებელს უფლება აქვს მიწოდებული საქონლის სანაცვლოდ მიიღოს მისი ღირებულება.

6. მხარეთა პასუხისმგებლობა ხელშეკრულების პირობების შეუსრულებლობისათვის

- 6.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 20%-ის ოდენობით.

6.2. მიმწოდებლის მიერ ხელშეკრულებით ნაკისრი ვალდებულებების არაჯეროვნად ან დაგვიანებით შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შეუსრულებელი ვალდებულების 0,02%-ის ოდენობით, ყოველი ვადაგადაცილებული დღისათვის.

6.3. მიმწოდებლის მიერ ხელშეკრულების ნაწილობრივ შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

6.4. საჯარიმო სანქციების გადახდა შესაძლებელია მოხდეს მიმწოდებლისთვის ასანაზღაურებელი თანხიდან გამოქვითვის საშუალებით.

6.5. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ ვადაგადაცილებულ დღეზე გადასახდელი თანხის 0,02%-ის ოდენობით.

6.6. საჯარიმო სანქციების გადახდა არ ათავისუფლებს არცერთ მხარეს ძირითადი ვალდებულებების შესრულებისაგან.

6.7. იმ შემთხვევაში, თუ 6.2 პუნქტით გათვალისწინებული ვადაგადაცილება მიაღწევს 15 (თხუთმეტი) დღეს, შემსყიდველი უფლებამოსილია ცალმხრივად გაწყვიტოს ხელშეკრულება მეორე მხარის მიერ ვალდებულებების შეუსრულებლობის მოტივით. ამ შემთხვევაში გამოყენებული იქნება 6.1 ან 6.3. პუნქტით გათვალისწინებული სანქცია.

მუხლი 7. გარანტია

7.1. მიმწოდებელი იძლევა იმის გარანტიას, რომ მის მიერ გადაცემული საქონელი იქნება შესაბამისი ტექნიკურ მოთხოვნებთან და შესაფერისი იმ მიზნისათვის, რომლისთვისაც ის არის გათვალისწინებული და იმუშავებს სრულიად გამართულად.

8. ხელშეკრულებაში ცვლილების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

8.5. მხარე ვალდებულია 8.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

8.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. დავები და მათი გადაწყვეტის წესი

10.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11. ხელშეკრულების მოქმედების ვადა

11.1. ხელშეკრულება ძალაში შედის მისი ხელმოწერის დღიდან და მოქმედებს სულ მცირე 30 დღის განმავლობაში ხელშეკრულების შესრულებიდან, მაგრამ არაუგვიანეს 2021 წლის 31 დეკემბრისა.

12. ზოგადი დებულებები

12.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

12.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

12.3. ხელშეკრულება შედგენილია ქართულ ენაზე, და დამოწმებულია მხარეთა კვალიფიციური ელექტრონული ხელმოწერით/შტამპით.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

მიმწოდებლის მხრიდან:

ვახტანგ ბურკიაშვილი _____
აღმასრულებელი დირექტორი

გიორგი ლოლობერიძე _____
დირექტორი

დანართი N1

N	დასახელება	პირითადი მახასიათებლები	ორიენტაცია	რაოდენობა	ღირებულება (ლარი)	
					ერთეული	საერთო
1.	ჟურნალი N1 -შემოსული დოკუმენტების აღრიცხვის ჟურნალი (ნიმუში 1)	1. შეკერვა ძაფით, მაღალი ხარისხის; 2. ყდა: მყარი, მუყაოს სისქე არანაკლებ 1.5მმ, გადაკრული დამცავი მასალით, ფორმატი A4.	ვერტიკალური (Vertical)	5	30	150
2.	ჟურნალი N2 -შემოსული დოკუმენტების აღრიცხვის ჟურნალი (ნიმუში 2)			2	30	60
3.	ჟურნალი N3 - მომზადებული და გაგზავნილი დოკუმენტების აღრიცხვის ჟურნალი (ნიმუში 3)	3. შიგთავსი: 70 ფურცელი, ფორმატი A4, ქაღალდი ოფსეტური, 80გრ/მ2, ორმხრივი ბეჭდვა		5	30	150
4.	ჟურნალი N4 - მომზადებული და გაგზავნილი დოკუმენტების აღრიცხვის ჟურნალი (ნიმუში 4)	4. ფურცლების ნუმერაცია 1-დან, 70-მდე.		5	30	150
5.	ჟურნალი N5 - განკარგულებითი დოკუმენტების აღრიცხვის ჟურნალი (ნიმუში 5)	1. შეკერვა ძაფით, მაღალი ხარისხის 2. ყდა: მყარი, მუყაოს სისქე არანაკლებ 1.5მმ, გადაკრული დამცავი მასალით, ფორმატი A4.		5	25	125
6.	ჟურნალი N6 - განკარგულებითი დოკუმენტების აღრიცხვის ჟურნალი (ნიმუში 6)	3. შიგთავსი: 20 ფურცელი, ფორმატი A4, ქაღალდი ოფსეტური, 80გრ/მ2, ორმხრივი ბეჭდვა 4. ფურცლების ნუმერაცია 1-დან, 20-მდე.		5	25	125

7.	ჟურნალი N7 - მომზადებული და გაგზავნილი დოკუმენტების აღრიცხვის ჟურნალი (ნიმუში 7)	1. შეკერვა ძაფით, მაღალი ხარისხის 2. ყდა: მყარი, მუყაოს სისქე არანაკლებ 1.5მმ, გადაკრული დამცავი მასალით, ფორმატი A4. 3. შიგთავსი: 150 ფურცელი, ფორმატი A4, ქაღალდი ოფსეტური, 80გრ/მ2, ორმხრივი ბეჭდვა 4. ფურცლების ნუმერაცია 001-დან, 150-მდე	ჰორიზონტალური (Landscape)	10	35	350
----	--	---	---------------------------	----	----	-----

სულ: 1 110.00 ლარი

- ყველა ჟურნალში პირველი ფურცელი უნდა იყოს სუფთა.
- დაბეჭდვამდე აუცილებელია ყდების და შიგთავსის საბოლოო სახის შემსყიდველთან შეთანხმება. შემსყიდველის მოთხოვნით შესაძლებელია მოხდეს საქონლის საბოლოო დიზაინის დეტალების ცვლილება.
- მიწოდებული საქონელი უნდა აკმაყოფილებდეს ბაზარზე არსებული ანალოგიური საქონლის ხარისხის საუკეთესო სტანდარტებს.
- მიწოდების ადგილი: საქართველოს ეროვნული ბანკის სათაო ოფისი, თბილისი, სანაპიროს ქ. 2

შემსყიდველის მხრიდან:

ვახტანგ ბურკიაშვილი _____
აღმასრულებელი დირექტორი

მიმწოდებლის მხრიდან:

გიორგი ლოლობერიძე _____
დირექტორი